



Alamat : **Bahagian Komunikasi Strategik,
Aras 18, Blok C,
Ibu Pejabat
Suruhanjaya Pencegahan Rasuah Malaysia,
No. 2, Lebuhr Wawasan, Presint 7,
62250 Putrajaya**

Tel. : **03-8870 0015**
E-mel : komunikasi@sprm.gov.my
Web : www.sprm.gov.my
Twitter : twitter.com/SPRMMalaysia
Facebook: facebook.com/sprm.benci.rasuah
Youtube : www.youtube.com/odvmacc

KENYATAAN MEDIA SURUHANJAYA PENCEGAHAN RASUAH MALAYSIA

ISU PENEROKAAN HARAM DI RAUB:

HANYA 18 PEKEBUN DIPANGGIL DAN DIRAKAM PERCAKAPAN BANTU SIASATAN

BERHUBUNG isu penerokaan secara haram di Raub, Pahang melibatkan pekebun-pekebun durian, Suruhanjaya Pencegahan Rasuah Malaysia (SPRM) menegaskan pada hari ini, hanya 18 pekebun telah dipanggil dan dirakam percakapan bagi membantu siasatan, bukan 50 atau 30 pekebun seperti yang didakwa oleh pihak tertentu.

Untuk makluman, terdapat 12 lagi individu lain yang turut hadir namun kesemuanya tidak berkaitan dengan siasatan kes berkenaan.

Ingin dijelaskan bahawa penafian yang dibuat oleh Ketua Pesuruhjaya SPRM, Datuk Seri Azam Baki berhubung isu tersebut adalah merujuk kepada jumlah pekebun yang dipanggil untuk membantu siasatan.

SPRM menjalankan siasatan berdasarkan undang-undang yang diperuntukkan yang mana tindakan SPRM adalah bebas tanpa desakan daripada mana-mana pihak bagi mendapatkan keterangan mengenai isu penerokaan tanah ini yang telah berlarutan sehingga kini.

Setakat ini, tiada tangkapan yang dibuat dan SPRM akan terus memanggil pihak berkaitan untuk membantu siasatan berhubung isu ini dari semasa ke semasa.

SPRM juga berharap semua pihak yang terlibat dalam isu berkenaan jangan menspekulasikan isu tersebut dan memberi ruang kepada suruhanjaya ini untuk menjalankan siasatan.

SURUHANJAYA PENCEGAHAN RASUAH MALAYSIA PUTRAJAYA

15 SEPTEMBER 2020



Untuk maklumat lanjut, sila hubungi Pengarah Bahagian Komunikasi Strategik, Kamaruddin M. Ripin (019-6217577) atau Azrai Mohammad (019-6106962)

Suruhanjaya Pencegahan Rasuah Malaysia (SPRM) merupakan sebuah agensi penguatkuasaan yang ditubuhkan melalui pengubalan Akta SPRM 2009 (Akta 694) bagi meningkatkan keberkesanan dan kecekapan dalam usaha pencegahan rasuah di Malaysia serta untuk memperbaiki persepsi kebebasan dan ketelusan dalam pelaksanaan fungsi-fungsi SPRM. SPRM turut disokong oleh mekanisme *check and balance* dalam memastikan SPRM bertindak selaras dengan kehendak perundangan negara dan aspirasi masyarakat. Suruhanjaya ini dahulunya dikenali sebagai Badan Pencegah Rasuah (BPR).